

DEO OPTIMO MAXIMO UNI ET TRINO,

VIRGINI DEL-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA, *

QUODLIBETARIIS DISPUTATIONIBUS

*mane discutienda in Scholis Medicorum, die Jovis decimâ - quintâ
mensis Aprilis, anno Domini M. DCC. LXXIX.*

M. FRANCISCO-MARIA LEMOINE,

Doctore Medico, Præside.

An in excitandis fonticulis lapis causticus præstantior è.

I.

IN variis permultisque morbis qui vel silentio subeunt, vel apertè marte faviunt, morituroque homini dùm miserè vivit, intus & extrà insidiantur, non una eademque naturæ agendi, non una medendi ratio. Plurima nec non proficua sæpè perfugia pertentat atque meditatur quibus ab hoste durius aut diutius impetita sublevari queat. Hinc in morbis sponte suâ tumores, abscessus, ulcera opportunè paritur, quorum beneficio, quidquid inimici, quidquid corrupti intus delitescit foras amandans ægros à diuturnis ac periculosissimis malis liberat, aut reddit immunes. Ergò optima morborum medicatrix natura. Ergò medicina optima quæ imitatio naturæ. Hanc autem in agendo ducem sequitur, qui fonticulos ad servandam vel instaurandam sanitatem in variis corporis partibus excitare allaborat. Hos instituendi ratio vulgò triplex: scalpello, ferrocandente, caustico. Ex iis porro, quæ virtute suâ naturæ voto respondeat felicius, medentis que scopum tutius pertingat, elige.

* Authore Lud. Gab. Dupré. D. M. P.

A.

A

FONTICULORUM usus, quidquid contrà effutiant Helmontiani, is est imprimis, ut opportunâ scilicet revulsione, exitu facili quælibet indomita indocilisque regi, tollatur morbi causa, foras expellatur, proindeque morbus ipse perfectè sanari, sin minùs saltem leniri queat, Licet enim remedia quam plurima eaque propè modum tutissima adversùs ægitudines habeat ars præclara medendi magistra, necnon præsentissimis auxiliis instructa videatur; non nulli tamen, nec ii leves annumerantur affectus præter naturales, quorum causam penitus eradicare selectissimis quibuscumque medicaminibus frustra tentaveris; & in quibus Pharmacorum virtutem morbi vis ipsa superet, dùm prosperè tunc cedunt fonticuli. Hæc autem præ cæteris arridere naturæ, palamque aliis præripere videtur ratio quæ fonticulis caustico lapide excitandis prudens intendit; ut potè quæ largiorem imprimis diuturnioremque suppurationem promovendo propositum medico finem rectius assequatur.

I I I.

INFLAMMATIONI mirè consentit, adustio: Combustionem enim exiguam levior inflammatio, graviolem vehementior excipit. (Cujus etiam nec resolutio speranda, nec in gangrænâ vel skirrum qui longè peior, exitus, pertimescendus est). Sed & inflammationem passibus æquis assequitur laudabilis omninò quæ ex naturæ voto fieri debet suppuratio; (salutare illud *quædam* molimen quo quidquid vitali humorum motui adversatur aut ineptum est à reliquis partibus sanis secernitur) Parcior quippè ab inflammatione levi, à majori vero largior suppuratio contingit. Ergò tantò feliciùs succedet utile suppurationis opus, & illa quæ fonticulis haud immeritò quæritur tempestitiva noxiî humoris excretio, quantò intimius adustione excitabuntur fonticuli. Atqui partibus admoto, apppositoque lapide caustico, cutis eidemque substrata pinguedo vel & ipsa caro sic altius experientiâ multiplici teste inurentur, ut corrugatis protinùs disruptisque fibris ac venulis, crustam referant siccissimam; quæ graviore exorta inflammatione, suppuratione, soluta tandem penitus excidit, ulcusque relinquit in quo pus natum,

collectumque; morâ, calore loci, ipsiusque jugi cùm pravis corporis liquidis miscelâ acrius factum, semilaceras partes vellicando potentiùs exstimulat. Hinc quâdam veluti suctione huc alliciuntur, depluunt humores; quorum eo major datur affluxus, quòd uti sapienter annotavit Hippocrates, collisæ, laceratæ carnes citius tabescere, subputrescere debeant: quâque datâ portâ ruunt deleterii sanguinis succi, ultrò pergunt evadere; atque ità in partem illam morbi detonat impetus, dùm benignâ revulsione sanguis ipse defæcatur; sanitas, vitamet ab hoste liberantur insensissimo.

I V.

SCALPELLO contrà excitatus, haud aliter quàm vulnusculum simplex habendus est fonticulus, partiumque antrè cohærentium inter se divisio simplicissima: dùm sola cutis ut plurimum cùm subjecti panniculi adiposi parte inciditur, nullaque proindè aut nulla ferè sit substantiæ jactura; hinc nulla ad suppurationem, ad coalitum verò propensio maxima; vitæque superstes non inimitabili tantùm sed prorsùs ignoto artificio unit separata, brevique naturalis absolvitur vulneris istius sanatio; quanquam ad tempus præpediatur, talibus immisiss, quæ peregrina vocant. Molestissimum etiam & crudele alterum, quod ferri candentis ope fonticulos excitandi artificio instituitur: Miserrimos ægrotañtes, integrum diem quin & plures dies horrendè cruciari, ejulare videas. Immanis indè, nimiumque protractus dolor vigilias, vigilias perturbatos humorum motus, hi verò febrim acutissimam inflammationes, deliria, convulsiones, ineluctabilemque malorum iliadem par-tiunt.

V.

AT exclamant nonnulli: compendiosè scalpello fonticulus excitatur, dùm admoto lapide, ad quatuor, sex, octo circiter horas imò ad diem sæpè protelatur, prout scilicet caustici vis, cutis indoles longius aut brevius intervallum postulaverint. Armaturæ profectò levioris argumentum! siquidem ferro licet iste citiùs instituatur, proposito tamen evadit impar muneri fonticulus, in causticis verò ea virtus inest quæ suppurationem promoveat, acceleret. Urgent tamen; effrañum

causticum & ex lex nullis refruari valet habens. At præviâ cognitione Chemicâ imprimis instructus, experienciâ fretus, caustici lapidis sic naturam callet medicus, effectusque ad tutum sic moderari imperioque regere potest, ut circâ vires & exitus, nihil quidquam habeat incerti, nihil omnino quod metuat. Ingeminant: quàm molestus, tam efficax esse solet, qui ferri candentis ope solet institui fonticulus. Quid non mali verò parere valet horrendus protractusque dolor! neminemque latet sæpissimè res esse cùm hominibus adeò meticulosus, delicatulus, mulierculus ut animo linquantur ubi vel mentio tantum sit scalpelli, candentisve ferri, nedum viderint, quibus commodè tunc, exituque prospero causticus lapis apponitur.

Ergò in excitandis fonticulis lapis causticus præstantior.

DOMINI DOCTORES DISCIPLINÆ MAGISTRI.

<i>M. Guillelmus - Josephus DE L'EPINE, Antiquior Scholarum Magister, Antiquus Facultatis Decanus, Academiae Censor.</i>	<i>M. Joannes-Claudius MUNIER, Antiquus Consiliarius Medicus Regis ordinarius & Domus Regiæ Invalidorum.</i>	<i>M. Claudius LAFISSE.</i>
--	--	-----------------------------

DOMINI DOCTORES DISPUTATURI.

<i>M. Antonius - Laurentius DE JUSSIEU, Eques, Regi à Consiliis & Secretis, Regiæ Scient. Academia Socius</i>	<i>M. Benjaminus - Michael SOLIER DE LA ROMILLAIS.</i>	<i>M. Paschalius BORIE.</i>
<i>M. Joannes-Jacobus NOLLAN.</i>	<i>M. Stephanus POURFOUR DU PETIT, Scholæ umfressor.</i>	<i>M. Franciscus BIDAULT.</i>

Proponebat Parisiis CAROLUS - LUDOVICUS - MARIA - GABRIEL DUPRÉ, Stenacæus, Saluberrimæ Facultatis Parisiensis Baccalaureus. A. R. S. H. 1779.
AB OCTAVA AD MERIDIEM.

Typis QUILLAU, Universitatis & Facultatis Medicinæ Typographi, 1779.